



COMUNE DE MARA

Provìntzia de Tàtari

DELIBERATZIONE DE SA GIUNTA COMUNALEN. 76 DE SU 02/11/2022

OGETU: APROVATZIONE DE SU REGULAMENTU PRO SU FUNTZIONAMENTU DE SA GIUNTA COMUNALE.

S'annu duamìgia e bintiduos, sa die duos de su mese de Santandria a sas 13:35, s'est reunida in sa SEDE DE SAGIUNTA, posca de àere acumpridu a sas formalidades prevididas dae sa Lege de s'Istadu e dae s'Istatutu, sa Giunta Comunale suta de sa presidèntzia de su Presidente CHESSA PAOLO.

A s'apellu numenale resurtat:

CÀRRIGA	SAMBENADU E NÙMENE	PRESENTE
SÌNDIGU	CHESSA PAOLO	EMMO
VITZESÌNDIGU	MONNI CRISTINA	EMMO
ASSESSORE	SALARIS RICCARDO	EMMO
ASSESSORE	FIORI ANTONIO	NONO

Presentes n° 4 Ausentes n° 0

Partètzipat su Segretàriu Comunale FALCHI ANTONIO MARIA, chi providit a redatzionare custu verbale.

Leat sa Presidèntzia su Presidente CHESSA PAOLO, chi reconnota legale s'adunàntzia, deccarat aberta sa setziada pro trattare s'ogetu torradu a giùghere subra.

SA GIUNTA COMUNALE

PREMÌTIDU chi s'articulu 7 de su D.Lgs, n. 267/2000 apostivigat: "*su comune e sa provìntzia adotant regulamentos in sas matèrias de cumpetèntzia pròpia e in particolare (...) pro su funtzionamentu de sos òrganos ...*";

RITÈNNIDU de dèvere protzèdere a aprovare su regulamentu chi disciplinet su funtzionamentu de sa Giunta Comunale;

BIDU s'art. 38 comma 2 de s'Istatutu Comunale, chi in materia de funtzionamentu de sa Giunta Comunale apostivigat: "Sas modalidade de cunvocatzione e de funtzionamentu sunt apostivigadas a manera non formale dae sa matessi";

RECRAMADA sa Delibera de Consìgiu Comunale n. 41 de su 07/10/2022, a ogetu: "*Mudaduras e Integrazziones de su Regulamentu Pro su Funtzionamentu de su Consìgiu Comunale*", cun sa cale su Consìgiu totu de acordu, dat a sa Giunta Comunale sa cumpetèntzia a s'aprovatzione de su Regulamentu pro su funtzionamentu de sa matessi;

RECONNOTA duncas, sa cumpetèntzia pròpia, in cunformidade a s'Istatutu Comunale e subra de sa base de su poderiu de autoregolatzione de sos òrganos collegiales;

BIDU su D.Lgs. n. 82/2005, chi a s'articulu 12, comma 1, previdit: "*sas amministrazziones pùblicas in s'organizare a manera autònoma s'atividade pròpia impitant sas tecnològias de s'informatzione e de sa comunicatzione pro s'acumprida de sos obietivos de efitzèntzia, efitatzidade, economitzidade, impartzialidade, trasparèntzia, semplificatzione e partetzipatzione*";. Su comma 2 apostivigat, imbetze, chi: "*sas amministrazziones pùblicas adotant sas tecnològias de s'informatzione e de sa comunicatzione in sos raportos internos..*";

RITÈNNIDU de chèrrere introdurre e disciplinare sa possibilidade de acumprida de sas setziadas de Giunta Comunale in videoconferèntzia, in modalidade a manera completa dae a tesu o mischiada, est a nàrrere una parte in presèntzia e una parte dae a tesu, in cunformidade a su Còdighe de s'Amministrazione Digitale – D.Lgs. n. 82/2005, in una bisione de efitzèntzia, efitatzidade, economitzidade e semplificatzione;

BIDU s'ischemu de regulamentu pro su funtzionamentu de sa Giunta Comunale, ammaniadu dae sos ufizios comunales e allegadu a custu atu pro nde fàghere parte integrante e sustanziale de su matessi;

BIDU s'art. 10 de sas dispositziones preliminaries a su còdighe tzivile (*preleggi*), cunforma a su cale sos regulamentos diventant obligatòrios in sa de bìnighi dies imbenientes a cussu de sa publicatzione issoro, a fora chi non siat apostivigadu a manera diferente;

RITÈNNIDU de chèrrere dispònner s'òbligu immediatu de su regulamentu, cunforma a s'art. 10 de sas dispositziones preliminaries mentovadas a su còdighe tzivile, bida sa netzessidade de disciplinare su funtzionamentu de s'Òrganu collegiale, cunsentende sas setziadas puru in videocunferèntzia in sa fase posca de s'emergèntzia dae Covid 19;

BIDU su D.Lgs. 18 de austu de su 2000, n. 267, e mudaduras imbenientes, chi giughet su Testu Ùnicu de sas leges subra de s'ordinamentu de sos Entes Locales;

BIDA sa lege 7 de austu de su 1990, n. 241 e mudaduras imbenientes, chi giughet: “Normas noas in matèria de protzedimentu amministrativu e de deretu de atzessu a sos documentos amministrativos”;

ACHISIDU su parre a favore de regularidade tècnica cunforma a s’art. 49 comma 1 de su D.Lgs. n. 267/2000 espressadu dae su Responsàbile de s’Àrea Amministrativa;

RECONNOTU chi subra de custa proposta de deliberatzione non resurtat netzessàriu achisire su parre de regularidade contàbile dae parte de su Responsàbile de su Servìtziu Finanziàriu cunforma a s’art.49, comma 1, de su D.Lgs. nr. 267 de su 18.08.2000, ca non cajonat perunu ònere finanziàriu deretu e non deretu pro s’Ente;

BIDU s’Istatutu Comunale;

CUN votazione a favore de totus espressada cunforma a sa lege:

DELÌBERAT

DE RECONNÒSCHERE chi sa premissa costituit parte integrante e sustanziale de custu atu e e duncas:

DE APROVARE, in aplicatzione de saas normas recramadas in narrativa, su *REGULAMENTU COMUNALE PRO SU FUNZIONAMENTU DE SA GIUNTA COMUNALE*, chi si cumponet de n.11 artìculos e chi format parte integrante de custa deliberatzione;

DE RECONNÒSCHERE chi custu Regulamentu disciplinat sa matèria in su respetu de sos printzipios apostivigados dae sa Lege e dae s’Istatutu, gasi comente previdit s’art. 7, de su T.U. de sas leges subra de s’ordinamentu de sos entes locales aprovalu cun D.Lgs. 18 agosto 2000, n. 267;

DE APOSTIVIGARE s’òbbligatoriedade immediata de su Regulamentu, cunforma a s’art. 10 de sas dispositziones preliminaries a su còdighe tzivile, bida sa netzesidade de disciplinare su funzionamentu de s’Òrganu collegiale, cunsentende sas setziadas puru in videocunferèntzia, in sa fase posca de s’emergèntzia dae Covid 19.

Cun àtera votazione totus de acordu, espressada cunforma a sa lege, deliberat de fàghere custa deliberatzione luego esecutàbile cunforma a s’art. 134, comma 4° de su D.Lgs. 267/2000 e ss.mm.ii.

PARRE DE REGULARIDADE TÈCNICA

Su Responsàbile de su Servìtziu, cunforma a s’art. 147/bis de us TUEL 267/2000 e de s’art. 11 de su Regulamentu subra de sos controllos internos, in òrdine a sa proposta n.ru 636 de su 02/11/2022 espressat parre a **FAVORE**.

Parre firmadu a manera digitale dae su Responsàbile de su Servìtziu **CHESSA PAOLO** in data 02/11/2022.

LÈGHIDU APROVADU E SUTASCRITU

Su Presidente
CHESSA PAOLO

Su Segretàriu Comunale
FALCHI ANTONIO MARIA

NOTA DE PUBLICATZIONE N. 805

Su 04/11/2022 est publicada in s'Albu Pretòriu sa Delibera de Giunta n.ru 76 de su 02/11/2022 cun ogetu: **APROVATZIONE DE SU REGULAMENTU PRO SU FUNZIONAMENTU DE SA GIUNTA COMUNALE.**

At abarrare afissada pro 15 dies cunforma a s'art 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae BUIONI ANGELA su 04/11/2022.

Còpia digitale de documentu informàticu firmadu e produidu cunforma a su Dlgs 82/2005 e normas respetivas cullegadas